



Edicion 12 - 19 October, 2001



Motor di Sra. Carnaval ya ta andando

Dialuna ultimo 15 di October e miembronan di comision Sra Carnaval a tene nan tradicional reunion prome cu e inicio oficial di temporada di Carnaval cu ta dia 11 di November venidero. E reunion aki a tuma lugar den oficina di SAC na Dakota pa 7'or y mei di anochi.

Tal encuentro a wordo califica como di sumo importancia ya cu a haci un inventario di e candidatanan cu ya a inscribi y tambe a habri e reunion pa esnan interesa ainda. A distribuie informacion basico di e competencia y a fiha fecha pa un proximo reunion.

Miembronan di e comision, esta Judith Martha, Enid Delanoy, Elmer Leañez, Gigi Rasmijn, Elsa Westerbürger, Irene Dake y Fabia Henriquez lo bolbe reuni Dialuna dia 5 di November venidero, fecha despues di cual lo por anuncia e lista preliminar di candidatanan pa e eleccion di Sra. Carnaval 2002.

Ainda tin oportunidad pa tur hende muher di 30 aña of mas pa inscribi y asina participa den e competencia divertido aki. E numbernan di contacto ta Judith Martha na 630795, Elmer Leañez na 927779 of Fabia Henriquez na 858263.